

22 მაისს აღინიშნება წმინდა შიოს მიცვალება - შიომღვიმეში წმინდანის ძვლები და საფლავი ამ დღეს განსაკუთრებული მადლით იმოსება



წმინდა შიოს ლოცვითა და მადლით დაარსებული შიომღვიმედ წოდებული მონასტერი თხუთმეტი საუკუნეა დიდ მცველად ეგულება ქართველთა მოდგმას ხილულ და უხილავ მტერთაგან დასაცავად. იქ მიდიოდა საქართველოს ყველა მართლმადიდებელი მეფე, პოულობდა სულიერ საზრდოს, ლოცულობდა, დიდ საფასურს სწირავდა და აშენებდა მონასტერს, ზრუნავდა იმაზე, რომ არ შეწყვეტილიყო იქ მოღვაწეობა. ჩვენამდე მოღწეულია დიდი მეფის წმინდა დავით აღმაშენებლის ანდერძი შიომღვიმისადმი, რომელითაც მან გაათავისუფლა მონასტერი ყოველგვარი გადასახადისაგან, აღწერა შემონიშნულობა და განძი. მანვე ააგო შიომღვიმეში ყოვლადწმინდა ღვთისმშობლის მიძინების ტაძარი. წმინდა თამარ მეფემაც ბევრი შესანიშნავი გაიღო მონასტრისათვის და მის საძმოს აუშენა დიდი სატრაპეზო.

ღირსი შიო მღვიმელის ხსენებას საქართველოს სამოციქულო ეკლესია წლის განმავლობაში ორჯერ აღნიშნავს. ყველიერის ხუთშაბათს და 9/22 მაისს. ყველიერის ხუთშაბათს აღინიშნება წმინდა შიოს საფლავიდან მისი ძვლების სასწაულებრივად აღმოსვლა “მეოხად მორწმუნეთა და კურნებლად სულთა ჩუენთა”. 9/22 მაისს აღინიშნება წმინდანის მიცვალება. ხსენების დღეს შიომღვიმეში წმინდანის ძვლები და

საფლავი იმოსება განსაკუთრებული მადლით. მამა შიოს საკვირველთმოქმედ ძალაში დარწმუნებული მლოცველები ევედრებიან მას სიბრძნის, უშვილობისა და სხვა მრავალი სენისაგან განკურნებას.

“ღირსი მამა შიო მღვიმელი დიდი მადლით გამოირჩეოდა, რაც იყო შედეგი დღე და ღამე დაუღალავი ღვაწლისა, ლოცვისა და მარხვისა. საოცარი ძალა ტრიალებს ამ წმინდა მონასტერში. ეს ძალა და მადლი მთელ საქართველოს ეფინება.

ბასილი კათალიკოსმა, მცხოვრებმა XIV-XV საუკუნეებში შეკრიბა წმინდა შიოსთან დაკავშირებული სასწაულები, რომელთაგან ჩვენამდე რამდენიმემ მოაღწია.

სპარსეთის სამთავროდან ერთი მდიდარი კაცი იტანჯებოდა წყალმანკით დიდხანს. გაიგო რა მამა შიოს სასწაულთმოქმედება, რწმენით მიეშურა მისკენ. მღვიმესთან მისული რამდენიმე დღის განმავლობაი თხოვდა მამა შიოს განკურნებას. კვირა ღეს ღირსი ევაგრე ჩავიდა ღირს შიოსთან მღვიმეში სნეულის განკურნების თხოვნით, რაზეც ღირსმა შიომ სიმდაბლით უპასუხა, რომ მხოლოდ უფალს შეუძლია კუნკულიდან შეუმჩნევლად აიღო სამი ღერი თმა და განსაკუთრებულად აუტანა ავადმყოფს. მოხდა სასწაული: კაცი სრულად ჯანმრთელი დახვდა. იმ დროს, როცა ევაგრე მღვიმეში ჩასულა, ვინმე ჭაბუკს სნეულისთვის სამი ღერი თმა მიუცია და ჩაყლაპვა უბრძანებია, რის შემდეგაც იგი მაშინვე განიკურნა. ევაგრემ მუჭი გაშალა და აღმოჩნდა, რომ თმის ღერები მას აღარ ჰქონდა ხელში.

მამა შიოს ლოცვით განიკურნა ერთი სპარსელი კაცის ბრმა ვაჟი. სამადლობლად მამას მონასტერში მიჰქონდა ხოლმე შესანიერი და ერთხელაც გზად იგი ავაზაკებმა გაძარცვეს. დამწუხრებული კაცი მივიდა შიომღვიმეში და დაინახა სასწაული: მონასტერთან იხილა თავისავე ნაძარცვი ტვირთი და დაბრმავებული ავაზაკები, რომლებიც ყვებოდნენ, რომ გაძარცვის შემდეგ ვიღაც მოხუცებულმა მონაზონმა თვალებში შეჰბერა მათ და ისინი დაბრმავდნენ. ახლა კი სინანულით აღიარებდნენ ჩადენილ დანაშაულს და ევაგრეს სთხოვდნენ დახმარებას. კვირა დღეს ღირსი ევაგრე ჩავიდა ღირს შიოსთან მღვიმეში. მამა შიოს განჭვრეტილი ჰქონდა ავაზაკების მოქმედება და გაკვირვებულ ევაგრეს გადასცა თავისი კვერთხი, რომლის შეხებისთანავე მონაზულ ავაზაკებს თვალები აეხილათ.

VII საუკუნეში შიომღვიმეს ერთდროულად ესტუმრნენ კათალიკოსი ბართლომეოსი და ქართლის მთავარი სტეფანოზი. კათალიკოსს, სტეფანოზისაგან განსხვავებით, დიდებული პატივი სცეს, რის გამოც მთავარი შურითა და ამპარტავნებით აღივსო და

მონასტრი, ძმებს უსაყვედურა. პასუხად კი მიიღო: “ეკლესიის წესების თანახმად ეკლესიის მწყემსმთავარს პატივი უნდა მივაცოთ, მსგავსად ქრისტესი”. ამის შემდეგ უფრო განსხვავებულმა მთავარმა უკანვე მიიტაცა ადრე შეწირული ორი აგარაკი (მინის ნაკვეთი) და ძმებს დაემუქრა. შინ დაბრუნებულს ზედიზედ სამ ღამეს ეცხადებოდა წმინდა შიო და მკაცრად სთხოვდა აგარაკების დაბრუნებას. მთავარმა არ ისმინა მისი, ურჩობის გამო ი ოჯახთან ერთად დაბრმავდა და გონება გაუცოფთა. მამა შიოს კიდევ ერთი გამოცხადების შემდეგ, სინანულში ჩავარდნილი სტეფანოზი ცოლ-შვილით მივიდა შიომღვიმეში. მამებმა შიოს საფლავის მინა ბარძიში შეურიეს ღვინოს და დაალევინეს მათ, რის შემდეგაც მოსულებს გონების სიცოფე მოეხსნათ. გონებაგახსნილმა მთავარმა გასცა ბრძანება მონასტრისთვის მიტაცებული მიწების დაბრუნების შესახებ. მხოლოდ ამის შემდეგ განიკურნა მთელი ოჯახი სიბრმავისაგან.

VII საუკუნეში სარკონობთა მთავრის ამირა მუმნიის ბრძანებით სარალი აჰმადი დიდძალი მხედრობით საქართველოს შემოესია. ლიახვის ხეობის მოხრების შემდეგ აჰმადმა ორი მხედართმთავარი, უმარი და ბურული, გაგზავნა მცხეთისაკენ. მტკვრისა და არაგვის შესართავთან. სოფელ ციხედიდთან, მეომრებმა მდინარის გაღმა, სარკინეთის კლდეთა შორის, იხილეს კლდე გამოქვაბულით. მისი დაურბევლობა სირცხვილად და სულთნის წინაშე დანაშაულად მიიჩნიეს და გაღმა გასასვლელად მტკვარში შევიდნენ, მაგრამ უხილავმა ძალამ არ გადაალახვინათ მდინარე. შეცბუნებულმა სარკინობებმა ტყვეებისგან გაიგეს, რომ იმ ადგილას იყო წმინდა შიო მღვიმელის მონასტერი. ამ ამბავმა უსჯულო მხედრობა ძლიერ გააკვირვა. სარდლებმა ყოველივე აჰმადს აცნობეს. საღმრთო ძალისაგან შემკრთალმა აჰმადმა მონასტერში უმარი გაგზავნა, ოქრო, საკმეველი და მრავალი სახმარი ნივთი გაატანა და ბერებთან დააბარა თხოვნა, ელოცათ მისი სულის გადასარჩენად.

მონასტრის ბჭესთან მისულმა მხედართმთავარმა დაინახა, რომ მონასტრის გარშემო შეკრებილი იყო ანგელოზთა ბრწყინვალე მხედრობა წმიდა შიოს წინამძღვრობით. უმარმა შიშით უამბო ამ სასწაულზე ბერებს, რომელთა თავმდაბლობამ და მოკრძალებულმა ყოფა-ცხოვრებამ უდიდესი შთაბეჭდილება მოახდინა მასზე და უთხრა მათ, რომ არ ეშინოდეთ არავისი, რადგან ანგელოზები და მამა შიო დაუღალავად იცავდნენ მონასტერს და ბერებს. ძმებმა მადლობით ადიდეს უფალი, რომელმაც წმინდა შიოს ლოცვით იხსნა მონასტერი უსჯულოთა დარბევისაგან. უმარმა იწამა ღმერთი, მოინათლა შიომღვიმეში. მასთან ერთად ნათელილო მისმა ორმა მეომარმა. შემდგომში უმარი გახდა ურბნისის ეპისკოპოსი ნეიფიტე ურბნელი, რომელიც ცეცხლთაყვანისმცემლებმა აწამეს და, როგორც პირველმონამე დიაკონი სტეფანე, ქვებით ჩაქოლეს. მისი მეომრები, ნათლისღებით ქრისტოდულოსი (ბერძნულად-ქრისტეს მონა) და ქრისტოფოროდი (ბერძნულად ქრისტეშემოსილი) მონაზონებრივად აღესრულნენ. წმინდა მღვდელმონამე ნეოფიტე აღესრულა მეშვიდე საუკუნეში. მისი ხსენების დღეა 28 ოქტომბერი (10 ნოემბერი ახალი სტილით).